

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27**

**IB QHO KEV NYAB XEEB THIAB RUAJ KHOV RAU HAUV
OREGON(ZEEG SIJ HAWM II): COV NTAUB NTAUV QHIA TXOG KEV
SAIB XYUAS KEV NOJ QAB HAUS HUV RAU TUS KAB MOB KHAUS
VIV-19 (COVID-19), THIAB KEV NQIS TES NPAJ ROV QHIB KEV LAG
LUAM DUA RAU HAUV OREGON**

Txij li thaum Lub Ib Hlis Ntuj 2020 los, Lub Xeev Oregon tau koom tes nrog rau kev tiv thaiv kev noj qab haus huv rau pej xeev txog cov xov xwm muaj tus kab tshiab los ntawm Tus Kab Mob Khaus Lauv Nam Vais Lav (Coronavirus, COVID-19). Raws li qhov kev hem thawj ntawd tau muaj siab zuj zus, Lub Xeev cov lus teb tau txhawb nqa kom tau raws li qhov kev hem thawj no. Thaum Lub Peb Hlis Ntuj Tim 8, 2020, kuv tau tshaj tawm tias lub xeev muaj xwm txheej kub ntxhov ceev raws li txoj cai ORS 401.165 *et seq.*, thiab kev nqis tes los tiv thaiv tam sis ntawd. Tom qab ntawd, Lub Koom Haum Muab Kev Saib Xyuas Kev Noj Qab Haus Huv Hauv Ntiaj Teb tau tshaj tawm tias kev sib kis Tus Kab Mob Khaus Viv-19 (COVID-19) yog tus kab mob sib kis thoob ntiaj teb, thiab Thawj Tswj Hwm ntawm Teb Chaws Meskas tau tshaj tawm txog kev sib kis Tus Kab Mob Khaus Viv-19 (COVID-19) muaj kev kub ntxhov thoob teb chaws.

Thaum Lub Peb Hlis Ntuj thiab Lub Plaub Hlis Ntuj 2020, raws li tus kab mob khaus lauv nam vais lav (coronavirus) sib kis txuas ntxiv mus thoob plaws ntiaj teb, kuv tau mob siab ua ntau yam tsom rau tiv thaiv ntawm kev sib kis qis ntawm Tus Kab Mob Khaus Viv-19 (COVID-19) hauv Oregon, thiab txo kev cuam tshuam rau pej xeev kev noj qab haus huv thiab kev cuam tshuam rau kev lag luam los ntawm kev sib kis mob. Cov kev tiv thaiv no suav nrog tab sis tsis txwv rau kev txwv ntawm kev sib sau ua ke; kev kaw tsev kawm ntawv; ua cov kauj ruam los tiv thaiv cov neeg hauv xwm txheej kev koom ua ke; tshaj tawm ib qho kev lag luam uas cuam tshuam tsis xws luag; txwv tsis pub noj mov thiab haus dej ntawm cov chaw muag zaub mov thoob lub xeev; ncuav kev kawm tim ntsej tim muag hauv cov tsev kawm qib siab; xaj kom ncuav cov kev kho mob tsis yog maj nrawm txhawm rau kev khaw cov khoom tiv thaiv tus kheej (PPE) thiab chav pw hauv tsev kho mob; thiab thiab kev ntiab tawm ib ntus kev tshem tawm ntawm cov neeg nyob thiab kev coj mus muag tawm. Thaum Lub Peb Hlis Ntuj Tim 23, 2020, kuv tau hais rau cov neeg nyob hauv Oregon kom “Nyob Twj Ywm Rau Hauv Tsev, Cawm Tau Txoj Sia,” hais kom cov neeg nyob twj ywm rau hauv tsev ntau li ntau tau, tau hais kom kaw qee cov khw muag khoom tshwj xeeb, siv cov cai nyob sib nrug deb rau thaum mus rau ntawm lwm cov chaw muaj tej chaw uas pej xeev sawd daws mus thiab chaw muaj tswv ntiag tug, thiab yuav tsum siv cov cai no rau ntawm tej chaw nyob sab nraum zoov thiab cov chaw muaj ntaub ntawv tso cai zov me nyuam.

Cov hauj lwm no tau pab tiv thaiv thiab tswj kev sib kis ntawm Tus Kab Mob Khaus Viv-19 (COVID-19) nyob hauv Oregon. Raws li, thaum Lub Plaub Hlis Ntuj yuav xaus thiab pib rau Lub Tsib Hlis Ntuj 2020, kuv pib ua cov kauj ruam los mus yooj yim qhov kev txwv hais saum toj no, ssuav nrog kev pub kom maj mam pib ua ntawm cov txheej txheem tsis yog kev kho mob maj ceev, kev rov qhib qee qhov kev lom zem sab nraum zoov, kev pub kom muaj kev sib sau ua ke ua koog me, thiab txo kev txwv nyob ib puag ncig kev zov me nyuam thiab qee lub khw muag khoom lag luam. Kuv kuj tseem tau kos npe rau hauv tsab ntawv txib (xaj) ntawm feem tswj xyuas txoj cai ntawm Lub Xeev los pib ua raws li zeeg sij hawm, saib raws li cov ntaub ntawv tshwm sim, thiab cov tswv yim txhawm rau kev rov qab qhib kev mus los rau sawv daws, qhib kev lag luam, thiab lwm cov hauj lwm rau hauv Oregon.

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV OB**

Txawm hais tias yuav caiv kom nyob sib nrug deb, daim ntauv txib (xaj) "Nyob Twj Ywm Hauv Tsev, Cawm Txoj Sia", thiab lwm yam tseem ceeb uas tau hais los saum toj no tau pab txo kom sib kis qeeb ntawm Tus Kab Mob Khaus Viv-19 (COVID-19) nyob hauv Oregon, Lub xeev thiab cov neeg saib xyuas kev noj qab haus huv hauv zej zog qhia tias tus kab mob vais lav no tseem niaj hnuv kis mus rau hauv zej zog thiab xav tias yuav muaj cov xwm txheej kev sib kis yuav nce ntxiv tom qab tshem cov kev txwv no. Txawm nyob hauv cov cheeb tsam nroog uas cov neeg muaj tus kab mob tsawg dua txog niaj hnuv no, qhov kev pheej hmoo ntawm kev kis tseem yuav muaj ntxiv. Tseem muaj kev phom sij heev rau tus kab mob vais lav no, thiab kev kis thoob ntaim teb ntawm tus kab mob khaus lauv nam vais lav (coronavirus) tshiab tseem txuas ntxiv ua kev hem thawj rau lub neej txoj sia thiab kev noj qab haus huv ntawm cov neeg nyob hauv Oregon. Los txog hnuv no, muaj tsawg kawg 4,399 tus neeg kis tus kab mob thiab 159 tus neeg tuag nyob hauv Oregon, nroog rau muaj ntau tshaj 80,000 leej tau tuag nyob thoob plaws hauv lub teb chaws los ntawm Tus Kab Mob Khaus Viv-19 (COVID-19). Tau kuaj pom cov neeg muaj Tus Kab Mob Khaus Viv-19 (COVID-19) nyob txhua qhov txhia xhaw ntawm lub xeev, vim tias tus kab mob vais lav no nyob nyob tsis muaj ciam li. Cov chaw muab kev pab cuam kuaj thiab PPE tseem yog ib qho tseem ceeb, thiab Oregon lub peev xwm los kuaj, chaw sib kis, thiab yuav tsum tau txhim kho kom zoo tuaj ntawm kev cais cov neeg muaj tus kab mob tshiab. Vim qhov kev pheej hmoo no rau kev rov tshwm sim ntawm Tus Kab Mob Khaus Viv-19 (COVID-19) yog tias cov cai kev tiv thaiv tsis raug tswj ntawm no hauv Oregon, peb yuav tsum npaj kom txhij, thaum peb npaj yuav txo cov kev txwv no mus ntxiv. Muab ua kom yooj yim, yuav tsuam ua txoj hauj lwm ntawm kev tswj hwm kev sib kis tus kab mob vais lav txuas ntxiv kom thoob plaws lub xeev.

Kuv tau txais kev txhawb dag zog los ntawm cov neeg ua hauj lwm hauv cheeb tsam nroog kom hnyav thiab muaj kev ceev faj, cov lag luam thiab lwm lub koom haum, thiab cov tib neeg tau ua nyob ib ncig ntawm lub xeev kom ua txuas mus mus tom ntej nroog cov txheej txheem rov qab kho, thiab yoog raws txoj hauv kev ntawm kev ua hauj lwm tshiab. Raws li peb txuas ntxiv mus rau yav tom ntej, cov txheej txheem rov qab qhib no yuav tsum ua kom haum raws li feem xav tau ntawm pej xeem sawv daws txhawm rau kev rov qab tsim kho thiab txhawb nqa rau peb cov neeg pej xeem kom mus los tau li qub thiab khwv noj khwv haus tau li qub nroog rau muaj kev tiv thaiv kom Tus Kab Mob Khaus Viv-19 (COVID-19) txhob rov qab tshwm sim dua ntxiv uas yuav cuam tshuam tseem ceeb rau kev noj qab haus huv ntawm pej xeem sawv daws rau niaj hnuv tam sim no. Cov hom phiaj ntawm txheej txheem rov qab qhib muaj xws li kev pab txo kom muaj neeg mus pw

kho mob tsawg thiab txo kom txhob muaj neeg tuag coob; txo feem tshwm sim tsis zoo rau cov neeg ua hauj lwm; zam tsis ua kom muaj cov neeg mus kho mob coob heev uas tsis muaj chaw txaus kho; tso cai cia cov neeg rov qab mus ua hauj lwm tau yog li ntawd lawv thiaj pab tau lawv tus kheej thiab lawv tsev neeg; tiv thaiv cov neeg uas muaj kev pheej hmoo rau kev muaj mob hnyav; tshwj xeeb mas cov zej zos neeg muaj tsos nqaij txawv xim; thiab pub cia sawv daws tuaj sib sau ua ke tau tab sis tsis pub coob leej txhawm rau kev sib khiav hauv lub zos thiab kev ua kab lis kev cai ub no.

Kev yuav ua kom tau zoo ntawm Oregon cov kev daws teeb meem thaum muaj xwm ceev thiab zeeg sij hawm rov qab qhib no yog nce raws li rab peev xwm ntawm cov tswv num hauj lwm, cov neeg ua hauj lwm, thiab pej xeem sawv daws txhawm rau yuav tsum ua raws li cov cai (maj tab kas) nyob kom sib nrug deb, kev nyab xeeb, kev noj qab haus huv rau pej xeem, thiab cov cai kev tswj kom nyob sib nrug deb. Kev tiv thaiv thiab tswj kav kev sib kis kab mob thiab kev txo kom Tus Kab Mob Khaus Viv-19 (COVID-19) sib kis tau qeeb yog ib txoj hau kev zam kom txhob muaj kev cuam tshuam rau cov khw lag luam thiab zej tsoom sawv daws rau yav tom ntej, thiab ua rau kev khwv noj khwv haus thiab lub neej mus los hauv Oregon rov qab khiav tau mus los li qhov qub.

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV PEB**

**YOG LI NTAUV TAM SIM NO THIAJ TAU SAU DAIM NTAUV TSHAJ
TAWM KOM UA RAWS TIAS:**

Yuav tau ua raws li txoj cai ORS 401.168, ORS 401.175, ORS 401.188, thiab
ORS 433.441, kuv tau txib hais raws li nram qab no:

**Zeeg Sij Hawm thiab Cov Hauj Lwm Npaj rau Kev Rov Qab Qhib Lub Xeev
Oregon Kom Muaj Kev Nyab Xeeb thiab Ruaj Khov**

1. Kev tso tawm Tsab Ntawv Txib (Xaj) Ntawm Feem Tswj Xyuas Txoj Cai no thiab hloov Tsab Ntawv Txib (Xaj) Ntawm Feem Tswj Xyuas Txoj Cai 20-25, teeb tsa cov qauv kev ua hauj lwm them pib uas siv rau thoob hauv xeev, thiab muab rau thoob plaws xeev ntawm cov txheej txheem zeeg sij hawm rov qab qhib thiab cov lus qhia siv rau Zeeg Sij Hawm I thiab Zeeg Sij Hawm II.
 - a. Cov Hauv Paus Cai. Tsab Ntawv Txib (Xaj) Ntawm Feem Tswj Xyuas Txoj Cai no hais txog cov hauv paus cai xws li nram qab no—cov cai (maj tab kas) tseem ceeb ntsig txog kev tiv thaiv thoob plaws hauv lub xeev—uas cov neeg nyob hauv Oregon thiab cov khw lag luam nyob hauv Oregon yuav tsum tau ua mus ntxiv, txhawm rau kom peb cov neeg zej zos sawv daws muaj kev nyab xeeb thiab txhawm rau muab kev tso cai rov qab qhib mus ntxiv lawv yav tom ntej. Cov hauv paus cai no siv tau thoob plaws lub xeev, zam rau cov lus txib thiab cov lus qhia uas raug kho dua tshiab los ntawm zeeg sij hawm npaj rov qab qhib, los sis tau tso cai hloov kho raws li Tsab Ntawv Txib (Xaj) Ntawm Feem Tswj Xyuas Txoj Cai no.
 - b. Zeeg Sij Hawm Npaj Rov Qab Qhib. Kev mob siab koom tes ntawm cov neeg nyob hauv Oregon yav dhau los txog rau niaj hnuv tam sim no ua rau kuv ntseeg siab tau tias peb Lub Xeev tuaj yeem ua tau zoo mus ntxiv rau yav tom ntej nrog rau maj mam rov qab qhib mus raws li zeeg sij hawm npaj tseg. Cov txheej txheem ntawd muaj peb zeeg sij hawm—Zeeg Sij Hawm I, Zeeg Sij Hawm II, thiab Zeeg Sij Hawm III. Maj mam tso cai qhib mus ntxiv raws li cov zeeg sij hawm no.

- c. Txheej Txheem ntawm Tsab Ntawv Txib (Xaj) Ntawm Feem Tswj Xyuas Txoj Cai no. Koog lus 2–10 ntawm Tsab Ntawv Txib (Xaj) Ntawm Feem Tswj Xyuas Txoj Cai hais txog cov hauv paus cai uas yuav siv thoob plaws rau hauv lub xeev ua ntej ib cheeb tsam nroog los sis Lub Xeev yuav pib siv Zeeg Sij Hawm I, thiab siv txuas mus ntxiv tshwj tsis yog tau kho dua tshiab thiab siv mus kom txog thaum kho dua tshiab. Qee cov hauv paus cai no yuav raug hloov kho dua tshiab rau hauv Zeeg Sij Hawm I, Zeeg Sij Hawm II, los sis Zeeg Sij Hawm III, raws li sau tseg rau hauv koog lus 11–24.

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV PLAUB**

Cov Hauv Paus Cai.

2. Nyob Kom Muaj Kev Nyab Xeeb, Cawm Txoj Sia. Kev saib xyuas kom peb lub zej zos muaj kev nyab xeeb thiab kev rov qab qhib kev khwv noj khwv haus yog saib raws cov neeg nyob hauv Oregon txuas ntxiv ua raws li cov cai caiv nyob kom sib nrug deb thiab lwm cov cai (maj tab kas) ceev rau kev noj qab haus huv. Nws tseem ceeb rau kev noj qab haus huv, kev nyab xeeb, thiab kev noj qab nyob zoo ntawm Lub Xeev Oregon rau thaum lub sij hawm siv txoj cai tswj qhov xwm txheej kub ntxhov ceev rau hauv lub xeev txhawm rau kom cov neeg yuav tau nyob twj ywm rau hauv tsev los sis nyob rau ntawm lawv lub tsev, chaw nyob, raws li qhov ua tau. Yuav ua tau raws li hais, yuav tsum ua raws li txoj cai ORS 401.168(1), ORS 401.175(3), ORS 401.188(2) txog (3), thiab ORS 433.441(3):
 - a. Cov tib neeg yuav tsum ua raws nraim li cov kev txwv hauv kev sib sau ua ke. Koog lus 3 ntawm Tsab Ntawv Txib (Xaj) Ntawm Feem Tswj Xyuas Txoj Cai no teeb tsa cov kev txwv rau thawj plaub theem pib ntawm kev sib sau ua ke. Cov kev txwv tsis pub sib sau ua kev rau Zeeg Sij Hawm I tau sau tseg rau hauv koog lus 15(a), thiab kev txwv kev sib sau ua ke rau Zeeg Sij Hawm II tau sau tseg hauv koog lus 20(a).
 - b. Cov tib neeg yuav tsum tau ua raws li cov lus qhia txog kev noj qab haus huv ntawm tsoom fwv tau sau tseg rau hauv kuv Tsab Ntawv Txib (Xaj) Ntawm Feem Tswj Xyuas Txoj Cai.
 - c. Cov tib neeg yuav tsum nyob nrug deb yam tsawg kawg rau fij ntawm ntawm lwm cov neeg uas tsis yog lawv tsev neeg, yog ua tau thiab yuav tsum ua raws li txhua cov lus qhia ntawm Oregon Lub Chaw Saib Xyuas Kev Noj Qab Haus Huv (OHA) xws li kev nyob kom sib nrug deb thiab kev npog ntsej muag. OHA cov lus qhia muaj nyob rau ntawm <https://govstatus.egov.com/OR-OHA-COVID-19>.
3. Kev Sib Sau Ua Ke rau Zeeg Sij Hawm Theem Pib. Kev sib sau ua ke yuav ua rau muaj kev pheet hmoo kis tau Tus Kab Mob Khaus Viv-19 (COVID-19) tau zoo, vim kev sib koom nrog coob leej ua ke yog ib qho ua rau tus kab mob kis tau zoo thiab, thaum muaj ib tug neeg raug tus kab mob tuaj

koom rau ntawm pawg neeg sib sau ua ke no, haj yam yuav ua rau sib kis tau sai heev, yuav ua rau kev soj qab xyuas cov neeg nyob ze nrog tus neeg raug mob no (ib qho tseem ceeb ntawm lub xeev cov phiaj xwm rov qhib) nyuaj heev. Raws li, yuav tsum ua raws li txoj cai ORS 401.168(1), ORS 401.188(2), thiab ORS 433.441(3)(a), (b), (d) thiab (f):

- a. Kev Sib Sau Ua Ke Los Ntawm Kev Ua Kab Lis Kev Cai, Lub Chaw Pej Xeem Sawv Daws Tuaj Sib Ntsib, thiab Lub Chaw Hawm Kev Ntseeg. Tsis tsis pub kom tuaj sib sau ua ke los ntawm kev ua kab lis kev cai, lub chaw pej xeem sawv daws tuaj sib ntsib, thiab lub chaw hawm kev ntseeg uas yuav muaj coob tshaj 25 leej. Tso cai rau sawv daws tuaj sib sau ua ke los ntawm kev ua kab lis kev cai, lub chaw pej xeem sawv daws tuaj sib ntsib, thiab lub chaw hawm kev ntseeg uas muaj neeg tuaj tsawg dua 25 leej los sis tsuas tso cai tau yog tuaj yeem tswj tau kev caiv nyob kom sib nrug deb tau tsawg kawg rau (6) fij ntawm lwm tsev neeg sib txawv.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAWV TSIB**

- b. Kev Sib Sau Ua Ke Ntawm Pej Xeeem Sawv Daws thiab Tuaj Rau Ntawm Lub Chaw Ua Si. Txwv tsis pub muaj cov kev sib sau ntawm fab sim neej thiab kev lom zem uas muaj ntau tshaj 10 leej neeg sab nraum lub tsev sab nraud los sis chaw nyob. cov kev sib sau ntawm fab sim neej thiab kev lom zem uas muaj ntau tshaj 10 leej neeglos sis tsawg dua tsuas tso cai tau yog tuaj yeem tswj tau kev caiv nyob kom sib nrug deb tau tsawg kawg rau (6) fij ntawm lwm tsev neeg sib txawv.
- c. Koog lus 3 ntawm Tsab Ntawv Txib (Xaj) Ntawm Feem Tswj Xyuas Txoj Cai no siv tsuas siv rau kev sib sau tuaj ua ke xwb, thiab siv tsis tau rau cov chaw ua hauj lwm, cov tuam txhab nyiaj thiab cov koom haum credit unions, cov chaw muag roj tsheb, cov tsev tos qhua los sis tsev so, cov chaw muab kev saib xyuas, cov chaw saib xyuas mob nkeeg, cov khw muag tshuaj, cov chaw zov me nyuam yaus, cov tsev kawm ntawv, cov tsev kawm ntawv qib siab, cov chaw ua hauj lwm ntawm tsoom fwv hauv xeev los sis lwm yam lag luam los sis kev ua hauj lwm (piv txwv li cov khw muag khoom, suav nrog cov khw muag khoom noj khoom haus) uas cuam tshuam rau lwm cov lus qhia hauv kuv Tsab Ntawv Txib (Xaj) Ntawm Feem Tswj Xyuas Txoj Cai los sis OHA cov lus qhia.
- d. Tus Thawj Hauv Tswj Kav Xeev, los sis OHA nrog rau Tus Thawj Hauv Tswj Kav Xeev kev pom zoo, yuav hloov kho cov ntawv txib ntawm koog lus 3 ntawm Tsab Ntawv Txib (Xaj) Ntawm Feem Tswj Xyuas Txoj Cai rau thaum tsim nyog. Txhua cov ntaub ntawv hloov kho dua tshiab yuav muaj nyob rau ntawm <https://govstatus.egov.com/OR-OHA-COVID-19>.
4. Cov Kev Txwv Rau Kev Lag Luam thiab Feem Hauj Lwm Tshwj Xeeb. Ua raws li ORS 401.168(1), ORS 401.188(1) rau (3), thiab ORS 433.441(3)(a), (b), thiab (f), cov lag luam yuav tsum ua raws li OHA cov kev coj qhia, suav nrog tab sis tsis txwv rau cov tswv num cov lus qhia, thiab cov lus qhia rau kev thaiv ntshej muag, uas tej zaum yuav raug hloov kho ib ncuva zuj zus. Tsis tag li ntawd, cov hauv paus cai raws li hauv qab no yuav siv tau kom txog rau thaum muaj kev hloov kho mus rau Zeeg Sij Hawm I, Zeeg Sij Hawm II, los sis lwm yam ntxiv:

a. Khoom Noj thiab Khoom Haus

- (1) Thaum Zeeg Sij Hawm Theem Pib, cov khw noj mov, khw haus dej haus cawv, khw muag dej cawv, chaw cub cawv, chaw haus cawv vais, chaw haus dej kas fes, cov sam thiaj noj khoom noj, cov khw muag dej kas fes, cov koom haum, los sis lwm cov chaw zoo sib xws li hais los no uas muag khoom noj los sis dej haus yog tsis tso cai los sis tsis pub noj rau ntawm lub chaw muag khoom noj los sis dej haus. Cov chaw uas tseem pub muag khoom noj los sis dej haus tab sis tsis pub noj rau ntawm chaw (xws li., yuav nqa mus noj tom tsev los sis tsav tsheb hla mus yuav raws ntawm lub qhov rooj yuav) los sis hais kom xa tuaj. Cov chaw muag khoom noj li hais los no yuav tsum ua raws li cov cai nyob kom sib nrug deb ntawm cov neeg qhua tsawg kawg yog rau (6) fij rau thaum txib yuav, tos, los sis nyob tos rau ntawm txoj kab nrog rau kev ua raws li cov lus qhia los ntawm OHA. Cov chaw muag khoom kuj tseem yuav tsum

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAWV RAU**

ua raws li kev siv cov cai nyob kom sib nrug deb ntawm cov neeg ua hauj lwm tsawg kawg rau (6) fij, thaum ua tau. Kev muag txhua yam cawv rau ntawm cov chaw uas tsis pub haus rau ntawm lub chaw ntawd yuav tsum coj raws li txoj cai ORS tshooj 471 thiab txhua txoj cai kav uas raug coj los siv.

- (2) Koog lus 4(a)(1) ntawm Tsab Ntawv Txib (Xaj) Ntawm Feem Tswj Xyuas Txj Cai no siv tsis tau rau cov chaw saib xyuas mob nkeeg, cov chaw zov me nyuam yaus, cov chaw ua hauj lwm, cov chaw ua hauj lwm ntawm tsoom fwv, cov chaw saib xyuas xwm txheej kub ntxhov ceev, cov kev pab khoom noj tuaj rau tom tsev kawm ntawv, thiab kev pab chaw nyob thiab kev pab plus mov noj rau cov neeg tsis taus. Yuav tsum siv cov cai nyob kom sib nrug deb rau ntawm cov chaw zoo li no, teem lub sij hawm kom sib nrug, nqa cov khoom noj mus noj rau tom tsev, thiab siv lwm cov cai tiv thaiv thiaj li yuav pab txo tsis kis tau Tus Kab Mob Khaus Viv-19 (COVID-19).

- b. Cov Lus Qhia Rau Feem Hauj Lwm Tshwj Xeeb. Qee feem hauj lwm tshwj xeeb ntawm Oregon cov kev lag luam yuav tsum ua raws li OHA cov lus qhia, uas tej zaum yuav tsim kho ib ntawm ib ncuu zuj zus. Qhov xav tau no suav nrog tab sis tsis txwv rau cov lag luam muag khoom; pej xeeb kev thauj mus los; cov tshav yug tshiaj thiab lwm qhov chaw siab nyob sab nrauv; cov tsev ceev teej tug; thiab cov kev qhia kis las (raws li tau tso cai pom zoo thiab ua raws li OHA cov lus qhia).
- c. Kev Kaw Lag Luam thaum Zeeg Sij Hawm Theem Pib. Tej zaum yuav muaj kev hloov pauv rau hauv cov npe hauv qab no (los ntawm OHA cov lus qhia, ntawm kev taw qhia ntawm Tus Thawj Hauv Tswj Kav Xeev), kev ua hauj lwm ntawm cov lag luam hauv qab no, uas kev sib cuag tus kheej yog qhov nyuaj los sis tsis tuaj yeem zam tau, txuas ntxiv los txwv tsis pub siv thaum Zeeg Sij Hawm Theem Pib

Cov chaw ua si; tej chaw yug ntses; tej chaw taug kev uas muaj ob tus rus tsev; cov khw txiav plaub hau thiab cov

chaw zawv plaub hau; chaw pov bowling; cov chaw muag
khoom pleev ntsej muag kom zoo nkauj; chaw dia tes taw;
tej chaw nyiam ua zoo nkaus; cov chaw hauj sam; cov chaw
gyms thiab chaw tswj lub cev kom yuag (suav txog cov chaw
gyms uas nce siab); cov chaw hookah bars; cov khwv muag
khoom rau sab hauv tsev thiab sab nrauv zoov (xws li, txhua
feem ntawm ib lub chaw muag khoom uas muaj ntau lub
khw muag khoom thiab cov khw noj mov nyob ua ke rau
hauv ib thaj chaw); cov chaw tuaj sib ntsib ua kev noj haus
rau sab hauv (suav txog cov gyms dia thiab laser tag); cov
chaw zuaj ib ce kho mob, cov chaw zuaj ntsej muag, cov cov
chaw cov chaw zuaj rau yav nruab hnuv, thiab cov chaw zuaj
ib ce uas tsis yog zuaj kom zoo mob; cov chaw rau khoom
teej tug qub; cov chaw txiav rau tes rau taw; cov chaw ntaus
phaib; cov chaw caij skating; cov chaw nyob ua si ntawm
cov neeg laus; cov chaw ntiag tug thiab cia sawd daws mus
koom tau;

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAWV XYA**

cov chaw sau ntawv moj zeej nqaij/tho nqaij; cov chaw ntaus pob tennis; cov chaw saib mauv vim; cov chaw ua yoga; thiab cov chaw ntawm cov neeg hluas tuaj sib ntsib.

Koog lus 4(c) ntawm Tsab Ntawv Txib (Xaj) Ntawm Feem Tswj Xyuas Txoj Cai no siv tsis tau rau cov khw noj mov, cov chaw haus dej haus cawv, cov chaw muag cawv, cov chaw cub cawv, cov chaw haus cawv vais, cov chaw noj mov, cov chaw muag dej kas fes, los sis lwm cov chaw uas muag khoom noj thiab dej haus, yuav tsum ua raws li koog lus 4(a) ntawm Tsab Ntawv Txib (Xaj) Ntawm Feem Tswj Xyuas Txoj Cai no. Cov chaw muag khoom rau sab hauv thiab sab nrauv zoov, thiab lwm cov chaw lag luam uas yuav tau ua raws li koog lus 4(c) ntawm Tsab Ntawv Txib (Xaj) Ntawm Feem Tswj Xyuas Txoj Cai no, tsis raug txwv kom kaw muag tej khoom noj, khoom siv ub no rau hauv vaj hauv tsev, khoom noj zoo rau lub cev, tej tshuaj kho mob, khw muag tshuaj, los sis chaw kuaj tsiaj yug.

- d. Kev Hloov Kho: Nyob ntawm kev taw qhia ntawm Tus Thawj Hauv Tswj Kav Xeev, OHA los sis lwm lub xeev lub koom haum tsim nyog uas muaj peev xwm muab lus qhia tso cai rau ib los sis ntau hom kev lag luam los sis cov chaw sau tseg hauv koog lus 4(c) los qhib, txawm tias yog ib feem ntawm cov txheej txheem zeeg sij hawm rov qhib los sis lwm yam. Tsis tas li ntawd, nyob ntawm txoj kev taw qhia ntawm Tus Thawj Hauv Tswj Kav Xeev, tej zaum OHA tuaj yeem hloov kho cov lus qhia ntawm koog lus 4 ntawm Tsab Ntawv Txib (Xaj) Ntawm Feem Tswj Xyuas Txoj Cai no, thiab cov lus qhia uas tau hais txog hauv no, thiab tej zaum yuav tsim cov kev taw qhia ntxiv thiab Cov Lus Kheev Nug, raws li tsim nyog. Tag nrho cov lus qhia, thiab txhua yam hloov kho tshiab, uas yuav raug hloov ntawd muaj nyob ntawm <https://govstatus.egov.com/OR-OHA-COVID-19>.
- e. Qhov Tshwm Sim ntawm Kev Ua Tsis Raws Cai: Cov lag luam uas tsis ua raws li koog lus 4 ntawm Tsab Ntawv Txib (Xaj) Ntawm Feem Tswj Xyuas Txoj Cai no yuav raug kaw kom mus txog rau thaum pom tau tias lawv kam siv cov cai no lawm.

5. Chaw Ua Hauj Lwm Cov Kev Txwv thaum Zeeg Sij Hawm Theem Pib. Ua raws li ORS 401.168(1), ORS 401.188(1) rau (3), thiab ORS 433.441(3)(a), (b), (d) thiab (f):
- a. Txhua lub khw lag luam thiab cov chaw ua hauj lwm pab dawb rau hauv Oregon yuav ua hauj lwm sib tham raws hauv koo pij tawj thiab ua hauj lwm rau tom tsev kom ntau li ntau tau. Txwv tsis pub ua hauj lwm rau hauv cov tsev ua hauj lwm yog yeej tseem ua hauj lwm raws hauv xov tooj thiab ua hauj lwm rau tom tsev tau, cov qeb dej nug tsis hnyav, muaj yam khoom siv sib qhia ua hauj lwm raws hauv xov tooj, thiab muaj tej khoom siv sib txuas lus txaus.
 - b. Thaum tsis tuaj yeem ua hauj lwm raws hauv koo pij tawj thiab ua hauj lwm rau tom tsev tau, cov lag luam thiab cov chaw ua hauj lwm pab dawb yuav tsum nrhiav ib tug neeg ua hauj lwm los sis teeb tsa ib tug neeg los sis tus kws saib hauj lwm los tsim, nqis tes ua, thiab yuam siv cov cai kev nyob kom sib nrug deb,

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAWV YIM**

kom tsis tu ncuu nrog cov los qhia ntawm OHA. Cov cai tswj fwm no kuj yuav tsum ua kom cov khw lag luam los sis cov chaw ua hauj lwm uas tsis yog lag luam siv cov cai nyob kom sib nruag deb rau cov neeg tuaj khiav hauj lwm lag luam tseem ceeb.

- c. Cov khw lag luam thiab cov chaw ua hauj lwm uas tsis yog khw lag luam yuav tsum siv txhua cov lus qhia ntawm OHA, suav txog cov lus qhia rau cov tswv num hauj lwm tib si. Hauv daim ntawv txib ntawm Tus Thawj Hauv Tswj Kav Xeev, OHA yuav hloov kho cov lus qhia no rau qee lub sij hawm los sis tsim cov lus qhia tshiab ntxiv raws li tsim nyog.
 - d. Cov khw lag luam thiab cov chaw ua hauj lwm uas tsis yog lag luam uas tsis ua raws li koog lus 5 ntawm Tsab Ntawv Txib (Xaj) Ntawm Feem Tswj Xyuas Txoj Cai no yuav raug kaw kom mus txog rau thaum pom tau tias lawv kam siv cov cai no lawm.
6. Cov Tsev Ua Hauj Lwm Ntawm Tsoom Fwv. Ua raws li ORS 401.168(1), ORS 401.188(1) rau (3), thiab ORS 433.441(3)(a), (b), (d) thiab (f):
- a. Lub Tsev Hauj Lwm Muab Kev Pab Cuam Rau Kev Tswj Xyuas (DAS) tau tshaj tawm cov lus qhia rau txhua lub xeev cov chaw hauj lwm thiab cov tuam tsev hauj lwm, ua raws li kev pom zoo los ntawm Tus Thawj Hauv Tswj Kav Xeev Tej zaum cov lus qhia yuav suav nrog, tab sis tsis txwv rau, cov lus qhia hais txog kev ua hauj lwm ntawm tsoom fwv cov tuam tsev; kev muab kev pab cuam rau pej xeev; kev xaiv rau kev ua hauj lwm hauv xov tooj thiab nyob hauv tsev ua hauj lwm; thiab cov cai (maj tas kas) caiv nyob sib nruag deb. Cov lus qhia ntawd, uas tej zaum yuav hloov kho nyob rau ib ncuu zuj zus, DAS yuav hais qhia rau cov koom haum hauv xeev uas cuam tshuam thiab tau ua rau pej xeev ntawm <https://www.oregon.gov/das/pages/coronavirus-state-gov-employee.aspx>.
 - b. Koog lus 6 Tsab Ntawv Txib (Xaj) Ntawm Feem Tswj Xyuas Txoj Cai no siv tau txhua lub tsev hauj lwm thiab cov tsev ua hauj lwm uas muaj tswv los sis raug tswj xyuas los ntawm feem tuav tswj hauj lwm hauv lub xeev. Tsab Ntawv Txib (Xaj) Ntawm Feem Tswj

Xyuas Txoj Cai no siv tsis tau rau cov tsev hauj lwm thiab cov tsev ua hauj lwm uas muaj tswv los sis raug tswj xyuas los ntawm feem saib xyuas txoj cai thiab kev txiav txim plaub ntug hauv lub xeev, tsoom fwv nom tswv, tsoom fwv nom tswv hauv lub zos, thiab tsoom fwv nom tswv ntawm pawg haiv neeg xeeb txawm.

7. Kev Ncig Tawm Mus Ua Si Sab Nrauv Tshav Puam. Ua raws li ORS 401.168(1) thiab (3), ORS 401.175(3), ORS 401.188(1) rau (3), thiab ORS 433.441(3):

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV CUAJ**

- a. Tej zaum cov neeg tuaj yeem tawm mus ncig ua si sab nrauv tau (taug kev, nce roob, thiab lwm yam), tab sis yuav tsum tsis txhob ua cov hauj lwm nyob sib ze los yog sib chwv, thiab txwv tsis pub ua cov hauj lwm rau sab nrauv zoov uas tsis tuaj yeem siv cov cai nyob kom sib nrug deb tau thiab yuav tau ua raws li cov lus qhia ntawm OHA thaum tawm mus rau tej chaw ua si sab nrauv. Cov thawj koj ntawm cov chaw ua si kuj yuav tsum ua raws li cov lus qhia ntawm OHA. Hauv daim ntawv txib ntawm Tus Thawj Hauv Tswj Kav Xeev, OHA yuav hloov kho cov lus qhia no rau qee lub sij hawm raws li tsim nyog.
- b. Cov neeg yuav tsum tsis txhob tawm mus ua tej yam hauj lwm uas tsis tseem ceeb, ua raws li txhua cov lus qhia ntawm OHA. Thaum ua tau, cov neeg hauv Oregon yuav tsum tawm mus los rau ntawm tej chaw nyob ze vaj ze tsev, ze chaw nyob, los sis ze chaw ua hauj lwm xwb; yog xav tawm mus yuav khoom noj los sis faib khoom noj, nrhiav chaw nyob, yuav tej yam siv rau hauv vaj hauv tsev, kev kawm ntawv, kev saib xyuas mob nkeeg, los sis rau kis muaj xwm txheej kub ntxhov ceev; rau kis yuav tau txais los sis muab tej hauj lwm tseem ceeb rau ua thiab cov kev pab cuam ntawm tsoom fwv; rau kev saib xyuas mob nkeeg rau tsev neeg, cov tswv cuab hauv yim neeg, cov neeg laus, cov me nyuam yaus, cov neeg nyob nrog, cov neeg tsis taus, los sis lwm tus neeg tsis taus, cov tsiaj yug saib, los sis cov tsiaj yug noj; rau kis yuav tau tawm mus raws li txib hais los ntawm tsoom fwv, feem yuam siv txoj cai, los sis tawm mus rau ntawm tej chaw ua si lom zem uas raug tso cai los ntawm los sis ua raws li kuv Cov Ntawv Txib (Xaj) Ntawm Feem Tswj Xyuas Txoj Cai thiab cov lus qhia ntawm OHA.
- c. Tej zaum cov chaw mus pw ntiag tug thiab rau pej xeeb yuav qhib yog tias lawv tuaj yeem ua raws li OHA cov lus qhia txog kev ua si nraum zoov.
- d. Kuv tso cai rau Oregon Parks thiab Recreation Department kaw txhua lub tsev los sis lub chaw yog tsis tuaj yeem siv cov cai nyob kom sib nrug deb tau.
- e. Thaum Zeeg Sij Hawm Theem Pib, tseem kaw tag nrho cov pas dej da, cov chaw caij skate, cov kis las ua sab nrauv tshav puam, thiab

ntawm cov chaw ua si uas muaj khoom khov ua si. Hauv daim
ntawv txib ntawm Tus Thawj Hauv Tswj Kav Xeev, OHA los sis
lwm cov chaw ua hauj lwm ntawm lub xeev yuav tsim cov cai tso
cai cia ib hom los sis ntau hom chaw xws li yog ib feem ntawm cov
txheej txheem zeeg sij hawm rov qab qhib los sis lwm yam. Cov lus
qhia no yuav muaj nyob rau ntawm <https://govstatus.egov.com/OR-OHA-COVID-19>.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAWV KAUM**

8. Kev Kawm Ntawv Qib Siab, Cov Tsev Kawm Ntawv, Chaw Zov Me Nyuam Yaus, Cov Kev Pab Txhawb Rau Cov Hluas. Tus Thawj Hauv Tswj Kav Xeev tau txib hais kom cov tsev hauj lwm saib xyuas kev kawm ntawv hauv lub xeev ua hauj lwm nrog tsev kawm ntawv thiab feem koom tes nrog kev kawm ntawv thoob plaws hauv Oregon npaj qhib cov tsev kawm ntawv, yog li ntawd cov me nyuam kawm ntawv hauv Oregon thiaj rov qab mus kawm ntawv tau rau lub xyoos 2020-2021. Cov tsev kawm ntawv qib siab tseem yuav siv raws li Tsab Ntawv Txib (Xaj) Ntawm Feem Tswj Xyuas Txoj Cai 20-29, suav txog thaum ntxiv lub sij hawm los sis raug hloov kho dua tshiab los ntawm lwm Tsab Ntawv Txib (Xaj) Ntawm Feem Tswj Xyuas Txoj Cai, thiab txhua cov lus qhia los ntawm Pawg Kws Tswj Xyuas Kev Kawm Ntawv Qib Siab. Cov chaw zov me nyuam yaus, thiab txhua daim ntawv txib hais kom ncu ntxiv los sis txwv ntxiv txog kev zov me nyuam yuav tsum siv raws li Tsab Ntawv Txib (Xaj) Ntawm Feem Tswj Xyuas Txoj Cai 20-19, suav txog daim ntawv txib uas raug kho los ntawm Tsab Ntawv Txib (Xaj) Ntawm Feem Tswj Xyuas Txoj Cai, thiab txhua cov lus qhia los ntawm Lub Tuam Tsev Hauj Lwm ntawm Kev Kawm Ntawv, Feem Saib Xyuas Kev Kawm Ntawv Rau Me Nyuam Yaus, Lub Tsev Hauj Lwm ntawm Kev Zov Me Nyuam Yaus. Cov tsev kawm ntawv K-12 tseem yuav tau ua raws li Tsab Ntawv Txib (Xaj) Ntawm Feem Tswj Xyuas Txoj Cai 20-20, suav txog qhov tau ncu lub sij hawm mus ntxiv los sis raug kho dua tshiab los ntawm lwm Tsab Ntawv Txib (Xaj) Ntawm Feem Tswj Xyuas Txoj Cai, thiab txhua cov lus qhia los ntawm Lub Tuam Tsev Hauj Lwm ntawm Kev Kawm Ntawv. Yog tau txib hais kom ua raws li Tus Thawj Hauv Tswj Kav Xeev hais, OHA los sis lwm cov chaw ua hauj lwm ntawm lub xeev yuav muab cov lus qhia ntxiv rau cov kev pab txhawb rau cov tub ntxhais hluas, suav txog kev qhia rau sab hauv chaw, sab nrauv tshav puam, thiab kev tawm mus pw rau tom tshav puam rau thaum lub caij ntuj sov.
9. Cov Lus Qhia. Ntawm kuv daim ntawv txib, thiab raws li qhov muaj cai ntawm no thiab lwm Cov Ntawv Txib (Xaj) Ntawm Feem Tswj Xyuas Txoj Cai, OHA thiab lwm cov chaw ua hauj lwm ntawm tsoom fwv tau tsim thiab tseem yuav tsim cov lus qhia rau pej xee sawv daws siv, rau cov tswv num hauj lwm siv, thiab rau feem ua hauj lwm tshwj xeeb ntawm feem saib xyuas kev khwv noj khwv haus siv. Qhov yuav npaj rov qab qhib kev mus los thiab kev khwv noj khwv haus rau hauv Oregon tau yog nce raws li txhua cov neeg nyob hauv Oregon yuav tsum ua raws li cov lus qhia rau

feem hauj lwm tshwj xeeb los ntawm OHA thiab lwm lub chaw ua hauj lwm hauv xeev Oregon tau siv lub tswv yim raws li kev tshawb fawb txhawm rau kev tiv thaiv qhov xwm txheej kub ntxhov ceev ntawm Tus Kab Mob Khaus Viv-19 (COVID-19). Thaum peb tseem yuav kawm kom paub ntau ntiv txog kev tiv thaiv tus kab mob khaus lauv nam vais lav (novel coronavirus), cov neeg hauv Oregon xav kom muaj kev hloov kho cov lus qhia tiv thaiv txhawm rau tswj xyuas qhov teeb meem xwm txheej kub ntxhov ceev no kom tau zoo. Yuav ua kom tau raws li hais, yog raug txib hais kom ua raws li los ntawm Tus Thawj Hauv Tswj Kav Xeev cov lus txib, OHA los sis lwm cov chaw ua hauj lwm yuav tau hloov kho cov hauv paus cai raws li nyob hauv koog lus 2 txog 8 ntawm Tsab Ntawv Txib (Xaj) Ntawm Feem Tswj Xyuas Tsoj Cai raws li qhov tsim nyog, thiab saib raws li kev tso cai los ntawm Tus Thawj Hauv Tswj Kav Xeev. Txhua cov ntaub ntawv hloov kho dua tshiab thiab lwm cov lus qhia yuav muaj nyob rau ntawm <https://govstatus.egov.com/OR-OHA-COVID-19>.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAWV KAUM IB**

10. Tsab Ntawv Tshaj Tawm Kom Ua Raws 20-10 tau muab tshem tawm, 2020, thiab tau muab hloov cov lus kom ua uas nyob hauv Tsab Ntawv Tshaj Tawm Kom Ua Raws no lawm.

Txoj Hauj Lwm Rov Qab Qhib Oregon

11. Zeeg Sij Hawm Npaj Rov Qab Qhib. Lub Xeev yuav ua raws li ib lub zeeg sij hawm zuj zus, saib raws li cov ntaub ntawv, thiab cov tswv yim raug tsim kho siv rau hauv ib cheeb tsam txhawm rau hloov kho thiab txo cov qauv cai txwv hais los saum toj saud, txhawm rau rov qab qhib kev mus los, kev khwv noj khwv haus, thiab lwm cov hauj lwm rau hauv Oregon. Kev rov qab qhib no yuav muaj muaj peb zeeg sij hawm—Zeeg Sij Hawm I, Zeeg Sij Hawm II, thiab Zeeg Sij Hawm III. Txheej txheem kev rov qab qhib yog yuav tsum npaj rau feem tseem ceeb ntawm kev noj qab haus huv txhawm rau ua kom tau zoo thiab txhawb nqa kev mus los thiab kev khwv noj khwv haus rau hauv Oregon.
12. Yam Yuav Tsum Muaj rau Kev Pib Zeeg Sij Hawm I. Zeeg Sij Hawm I kev tau sau tseg rau hauv koog lus 15 ntawm Tsab Ntawv Txib (Xaj) Ntawm Feem Tswj Xyuas Txoj Cai uas siv tau thooob plaws hauv lub xeev thaum Oregon ua tau raws li txhua feem yuav tsum muaj rau Zeeg Sij Hawm I. Yam yuav tsum muaj ua ntej no raug tsim los ntawm Tus Thawj Hauv Tswj Kav Xeev thaum tau txais kev pom zoo los ntawm OHA, nce raws li kev tso cai los ntawm Tus Thawj Hauv Tswj Kav Xeev, thiab muaj xws li nram qab no:
- a. Kev tshwm sim Tus Kab Mob Khaus Viv-19 (COVID-19) muaj tsawg zuj zus;
 - b. Muaj kev kuaj ntsuas txaus;
 - c. Muaj feem soj qab xyuas tus neeg tau nyob ze nrog tus neeg raug tus kab mob txaus;
 - d. Muaj cov chaw cais tus kheej/ceev tus kheej txaus;
 - e. Tawm lus qhia siv thooob plaws rau hauv lub xeev rau Zeeg Sij Hawm I;

- f. Muaj rab peev xwm saib xyuas mob nkeeg txaus; thiab
- g. Muaj cov khoom siv tiv thaiv tus kheej txaus.

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV KAUM OB**

13. Txheej Txheem rau Kev Hloov Pauv Thoob Plaws Hauv Lub Xeev rau Zeeg Sij Hawm I. OHA yuav ceeb toom rau Tus Thawj Hauv Tswj Kav Xeev thaum txhua yam yuav tsum ua ntej thoob plaws hauv lub xeev raug raws li koog lus 14 ntawm Tsab Ntawv Txib (Xaj) Ntawm Feem Tswj Xyuas Txoj Cai no, thaum lub sij hawm uas Tus Thawj Hauv Tswj Kav Xeev txiav txim siab tias siv tau Zeeg Sij Hawm I lawm, yuav tsum siv raws li cov lus qhia los ntawm OHA. Kiag thaum Tus Thawj Hauv Tswj Kav Xeev txiav txim siab tias, cov ntawv txib ntawm Zeeg Sij Hawm I ntawm Tsab Ntawv Txib (Xaj) Ntawm Feem Tswj Xyuas Txoj Cai no siv tau thoob plaws hauv lub xeev.
14. Cov Txheej Txheem rau Kev Hloov Pauv Hauv Cov Cheeb Tsam Nroog rau Zeeg Sij Hawm I. Txawm tias Tus Thawj Hauv Tswj Kav Xeev tsis tau txiav txim siab thoob plaws rau hauv lub xeev mus raws li koog lus 13 Tsab Ntawv Txib (Xaj) Ntawm Feem Tswj Xyuas Txoj Cai no los xij, ib lub cheeb tsam nroog tuaj yeem thov hais kom Tus Thawj Hauv Tswj Kav Xeev muab kev tso cai rau Zeeg Sij Hawm I yog ib cheeb tsam nroog ua tau raws li txhua yam yuav tsum ua thawj ntawm koog lus 12 Tsab Ntawv Txib (Xaj) Ntawm Feem Tswj Xyuas Txoj Cai no lawm, thiab txhua cov lus qhia tsim los ntawm OHA. Tej zaum Lub Tsev Hauj Lwm ntawm Tus Thawj Hauv Tswj Kav Xeev yuav hais txog txheej txheem uas cov cheeb tsam nroog tuaj yeem thov kev tso cai raws li koog lus no. Kiag thaum Tus Thawj Hauv Tswj Kav Xeev tso cai cia ib lub cheeb tsam nroog sau daim ntawv thov mus, ntawm Zeeg Sij Hawm I yuav siv tau rau lub cheeb tsam nroog ntawd.
15. Cov Ntawv Txib Rau Zeeg Sij Hawm I. Raws Li Hauv Zeeg Sij Hawm I, thiab txawm tias yuav muaj cov cai tsis mus raws li cov cai xub thawj raws li muaj rau hauv koog lus 2-9 ntawm Tsab Ntawv Txib (Xaj) Ntawm Feem Tswj Xyuas Txoj Cai no los xij, kev tso cai raws li nram qab no siv tau txhua cheeb tsam nroog raws li cov ntawv txib ntawm Zeeg Sij Hawm I, tab sis tsuas ua tau yog ib cheeb tsam nroog raug tso cai thiab ua raws li txhua cov cai rau Zeeg Sij Hawm I uas raug tsim los ntawm OHA:
 - a. Kev Sib Sau Los Nyob Ua Ke Coob Rau Hauv Lub Zos. Ntxiv rau cov kev sib sau ua ke uas tau tso cai los ntawm koog lus 3 ntawm Tsab Ntawv Txib (Xaj) Ntawm Feem Tswj Xyuas Txoj Cai no, tej zaum cov tib neeg yuav sib sau ua ke hauv ib cheeb tsam rau ib

pawg twg txog 25 tus neeg—suav nrog kev sib sau ua ke ua kev lom zem uas tau txwv tag los 10 leej neeg los sis tshawg dua hauv koog lus 3(b) ntawm Tsab Ntawv Txib (Xaj) Ntawm Feem Tswj Xyuas Txoj Cai—tsuav yog tuaj yeem tswj tau kev caiv nyob kom sib nrug deb tau tsawg kawg rau (6) fij ntawm lwm tsev neeg sib txawv. Tso cai rau tawm mus sib sau ua ke rau hauv lub zos tau. Nyob rau Zeeg Sij Hawm I, cov kev txwv nyob hauv koog lus me no tsis siv rau cov hauj lwm ntawm feem lag luam uas muaj cov txheej txheem sib txawv raws li cov cai ntawm cov lus qhia siv rau (piv txwv li, khw noj mov, kev lag luam saib xyuas tus kheej, thiab khw muag khoom), tsuav yog tias ua raws cov lus qhia ntawm cov feem lag luam tshwj xeeb. Koog lus me no kuj yuav tsis siv rau hauv cov xwm txheej qhia nyob hauv koog lus 3 (c) ntawm Tsab Ntawv Txib (Xaj) Ntawm Feem Tswj Xyuas Txoj Cai.

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV KAUM PEB**

- b. Cov Khw Lag Luam Khwv Noj Khwv Haus. Cov khw lag luam xws li nram qab no tuaj yeem rov qab qhib tau los sis tso cai qhib mus ntxiv raws li qhov lawv ua raws li cov lus qhia los ntawm OHA rau Zeeg Sij Hawm I thiab lwm cov lus qhia ntawm OHA:
- (1) Cov chaw muag khoom noj thiab dej haus, suav nrog tab sis tsis txwv rau cov khw noj mov thiab cov chaw haus cawv haus dej uas muaj khoom no nrog; uas yuav tsum tau ua raws cov lus qhia rau cov khw noj mov Zeeg Sij Hawm I;
 - (2) Cov lag luam tu tus kheej thiab cov chaw muab kev pab cuam, xws li cov khw txiav plaub hau thiab cov chaw tawm dag zog, uas yuav tsum ua raws Zeeg Sij Hawm I ntawm cov lus qhia rau cov chaw muab kev pab cuam ntiag tug;
 - (3) Cov khw muag khoom sab hauv thiab sab nraud, yuav tsum tau ua raws li cov lus qhia Zeeg Sij Hawm I ntawm Cov khw Muag Khoom Sab Hauv thiab Sab Nraud; thiab
 - (4) Lwm cov khw lag luam raws li Tus Thawj Hauv Tswj Kav Xeev hais tawm no yog muaj cai rov qab qhib los sis qhib ua hauj lwm mus txuas ntxiv rau thaum Zeeg Sij Hawm I.
16. Hloov Pauv los ntawm Zeeg Sij Hawm I mus rau Zeeg Sij Hawm II. Lub xeev los sis lwm cov cheeb tsam nroog yuav tsis hloov pauv ntawm Zeeg Sij Hawm I mus rau Zeeg Sij Hawm II tau, tshwj tsis yog lub sij hawm dhau mus nees nkaum ib (21) hnuv lawm, txhawm rau tso cai tshuaj ntsuam xyuas txog kev noj qab haus huv ntawm pej xeev ua ntej thaum lub sij hawm hloov pauv ntawd seb zoo li cas.
17. Yam Yuav Tsum Muaj rau Kev Pib Zeeg Sij Hawm II. Cov ntawv txib ntawm Zeeg Sij Hawm II raug sau tseg rau hauv koog lus 20 ntawm Tsab Ntawv Txib (Xaj) Ntawm Feem Tswj Xyuas Txoj Cai uas siv tau thoob plaws hauv lub xeev thaum Oregon ua tau raws li txhua feem yuav tsum muaj rau Zeeg Sij Hawm II. Yam yuav tsum muaj ua ntej no raug tsim los ntawm Tus Thawj Hauv Tswj Kav Xeev, thaum tau txais kev pom zoo los ntawm OHA, thiab muaj xws li nram qab no:

- a. Tag nrho cov cai yuav tsum tau ua ua ntej ntawm kev hloov pauv mus rau Zeeg Sij Hawm I, raws li koog lus lus 12 ntawm Tsab Ntawv Txib (Xaj) Ntawm Feem Tswj Xyuas Txoj Cai;
- b. Taug ntsuam xyuas txhua txhua lub sib hawm (txheeb xyuas) uas qhia txog paws xees (percentage) ntawm cov neeg kis kab mob tshiab, nyob hauv 24 teev;
- c. Qhov paws xees (percentage) tshwj xeeb uas tau tshwj tseg txog cov neeg kis kab mob tshiab yuav tsum raug ceev saib xyuas nrog cov uas muaj kab mob ntawd; thiab
- d. Tsis muaj qhov nce siab ntxiv hauv qhov xwm txheej los sis kev kuaj xyuas tsis muaj tus kab mob ntxiv li lawmCov.

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV KAUM PLAUB**

18. Txheej Txheem rau Kev Hloov Pauv Thoob Plaws Hauv Lub Xeev rau Zeeg Sij Hawm II. OHA yuav ceeb toom rau Tus Thawj Hauv Tswj Kav Xeev thaum txhua yam yuav tsum ua ntej thoob plaws hauv lub xeev raug raws li koog lus 17 ntawm Tsab Ntawv Txib (Xaj) Ntawm Feem Tswj Xyuas Txoj Cai no, thaum lub sij hawm uas Tus Thawj Hauv Tswj Kav Xeev txiav txim siab tias siv tau Zeeg Sij Hawm I lawm, yuav tsum siv raws li cov lus qhia los ntawm OHA. Kiag thaum Tus Thawj Hauv Tswj Kav Xeev txiav txim siab tias, cov ntawv txib ntawm Zeeg Sij Hawm II ntawm Tsab Ntawv Txib (Xaj) Ntawm Feem Tswj Xyuas Txoj Cai no yuav siv tau thoob plaws hauv lub xeev.
19. Cov Txheej Txheem rau Kev Hloov Pauv Hauv Cov Cheeb Tsam Nroog rau Zeeg Sij Hawm II. Txawm tias Tus Thawj Hauv Tswj Kav Xeev tsis tau txiav txim siab thoob plaws rau hauv lub xeev mus raws li koog lus 18 ntawm Tsab Ntawv Txib (Xaj) Ntawm Feem Tswj Xyuas Txoj Cai no los xij, ib lub cheeb tsam nroog tuaj yeem thov hais kom Tus Thawj Hauv Tswj Kav Xeev muab kev tso cai rau Zeeg Sij Hawm II yog ib cheeb tsam nroog ua tau raws li txhua yam, tom qab tsis pub dhau 21 hnuv uas lub nroog tau pib rau hauv Zeeg Sij Hawm I, lub nroog tau raws li txhua yam li Zeeg Sij Hawm II ua ntej yuav tsum ua thawj plaub ntawm koog lus 17 ntawm Tsab Ntawv Txib (Xaj) Ntawm Feem Tswj Xyuas Txoj Cai no lawm, thiab txhua cov lus qhia tsim los ntawm OHA. Lub Tsev Hauj Lwm ntawm Tus Thawj Hauv Tswj Kav Xeev yuav hais txog txheej txheem uas cov cheeb tsam nroog tuaj yeem thov kev tso cai raws li koog lus no. Kiag thaum Tus Thawj Hauv Tswj Kav Xeev tso cai cia ib lub cheeb tsa nroog sau daim ntawv thov mus, thiab tsis qeeb dua 21 hnuv tom qab lub cheeb tsam nroog ntawd pib nkag rau Zeeg Sij Hawm I, cov ntawv txib hais ntawm Zeeg Sij Hawm II yuav siv tau rau lub cheeb tsam nroog ntawd.
20. Cov Ntawv Txib Rau Zeeg Sij Hawm II. Raws Li Hauv Zeeg Sij Hawm II, thiab txawm tias yuav muaj cov cai tsis mus raws li cov cai xub los sis Zeeg Sij Hawm I raws li muaj rau hauv koog lus 2-9 thiab koog lus 15 ntawm Tsab Ntawv Txib (Xaj) Ntawm Feem Tswj Xyuas Txoj Cai no los xij, kev tso cai raws li nram qab no siv tau txhua cheeb tsam nroog raws li cov ntawv txib ntawm Zeeg Sij Hawm II, tab sis tsuas ua tau yog ib cheeb tsam nroog raug tso cai thiab ua raws li txhua cov cai rau Zeeg Sij Hawm II uas raug tsim los ntawm OHA:

- a. Cov Kev Txwv Ntawm Kev Sib Sau Ua Ke. Txawm hais tias lub hauv paus thiab Zeeg Sij Hawm I ntawm kev txwv nyob rau hauv koog lus 3 thiab 15 ntawm Tsab Ntawv Txib (Xaj) Ntawm Feem Tswj Xyuas Txoj Cai no, thaum Zeeg Sij Hawm II ib lub hom phiaj kev rau cov tib neeg tuaj yeem sib sau ua ke txog li 50 tus neeg hauv cov chaw khw muag khoom sab hauv, los sis txog li 100 hauv cov chaw khw muag khoom sab nraud, tsuav yog lawv caiv kev nyob sib nruv deb li ntawm rau fij (feet) ntawm ib leeg twg uas tsis yog los ntawm tib tsev neeg. Nyob hauv Zeeg Sij Hawm II, cov kev txwv nyob hauv koog lus me no tsis siv rau ntawm cov kev lag luamqhov kev sib txawv raws li cov cai tau qhia siv (piv txwv li cov kev teeb tsa hauv koog lus 20 (b)), tsuav yog ua raws cov lus qhia tshwj xeeb ntawm feem hauj lwm ntawd. Sob lus no tsis siv rau hauv cov xwm txheej qhia nyob hauv sob Lus 3 (c) ntawm Tus Tswj Hauj Lwm Sob Lus Hais no tib yam nkaus.

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV KAUM TSIB**

- b. Cov Khw Lag Luam Khwv Noj Khwv Haus. Ntxiv rau cov feem hauj lwm uas raug tso cai ua hauj lwm los ntawm cov hauv paus thiab Zeeg Sij Hawm I cov lus qhia thiab kev taw qhia, thiab txawm hais tias qee txoj kev taw qhia tsis zoo ib yam nyob rau hauv Tsab Ntawv Txib (Xaj) Ntawm Feem Tswj Xyuas Txoj Cai no, cov hauj lwm hauv qab no tuaj yuav rov qhib los sis nthuav kev ua hauj lwm txuas ntxiv, muab hais tias lawv yuav tsum ua hauj lwm raws li OHA Zeeg Sij Hawm II cov lus qhia rau cov feem lag luam:
- (1) Cov chaw ua chaw lom zem thiab cov teeb tsa xwm txheej, suav nrog tab sis tsis txwv rau cov tsev yeeb yaj kiab thiab cov chaw ntawm kev teev hawm, yuav tsum ua hauj lwm mus raws txoj kev taw qhia ntawm OHA Zeeg Sij Hawm II cov lus qhia.
 - (2) Kev ua si sab hauv tsev uas xav tau kev them nyiaj yuav tsis muab cais ua lwm yam. (piv txwv li, caij xab kev dej khov, kev pov bowling, thiab kev ua si kees) yuav ua hauj lwm mus raws txoj kev taw qhia ntawm OHA Zeeg Sij Hawm II cov lus qhia.
 - (3) Kev ua si sab hauv tsev uas xav tau kev them nyiaj yuav tsis muab cais ua lwm yam (piv txwv li, kev siv cov nkoj dhia, ntaus kov me aiv, thiab pob hauv tawb) yuav tsum ua hauj lwm mus raws txoj kev taw qhia ntawm OHA Zeeg Sij Hawm II cov lus qhia.
 - (4) Cov pas dej da ua si thiab cov tsev kis las tej zaum yuav qhib, yuav ua hauj lwm mus raws txoj kev taw qhia ntawm OHA Zeeg Sij Hawm II cov lus qhia.
 - (5) Chaw ua tsim khoom thiab khoom haus, suav nrog tab sis tsis txwv rau cov khe noj mov thiab cov bas uas pab cuam khoom noj haus, tuaj yeem yuav nthuav dav kev pab cuam, yuav tsum ua hauj lwm mus raws txoj kev taw qhia ntawm OHA Zeeg Sij Hawm II cov lus qhia.

- (6) Kev ua si lom zem ntawm cov kev ua si kib las, uas tej zaum yuav rov qab qhib mus ua si dua yog tias lawv ua raws txoj kev taw qhia ntawm OHA Zeeg Sij Hawm II cov lus qhia.
- (7) Lwm cov khw lag luam raws li Tus Thawj Hauv Tswj Kav Xeev hais tawm no yog muaj cai rov qab qhib los sis qhib ua hauj lwm mus txuas ntxiv rau thaum Zeeg Sij Hawm II.

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV KAUM RAU**

- c. Kev Txwv Rau Kev Rov Mus Ua Hauj Lwm. Tsis hais txog koog lus 5, sab saud, chaw ua hauj lwm yuav pib xaiv tib neeg rov mus pib ua hauj lwm dua, txawm hais tias kev ua hauj lwm nyob deb tseem pom zoo rau ua tau. Cov chaw ua hauj lwm uas muaj cov neeg ua hauj lwm rov qab mus hauj lwm yuav tsum xaiv, los yog xaiv txuas ntxiv, tus neeg ua hauj lwm los sis tub ceev xwm los tsim, siv, thiab tswj cov cai nyob sib nrug ntawm lub cev, kom ruaj khov raws li OHA cov lus qhia. Cov cai tswj fwm no kuj yuav tsum ua kom cov khw lag luam los sis cov chaw ua hauj lwm uas tsis yog lag luam siv cov cai nyob kom sib nrug deb rau cov neeg tuaj khiav hauj lwm lag luam tseem ceeb.
- d. Kev Taug Kev. Tsis hais txog koog lus 7(b), sab saud, cov tib neeg yuav taug kev mus koom nrog txhua qhov ntawm kev sib raug zoo, pej xeeb, kev lag luam, kev lom zem thiab lwm lwm yam kev ua si uas tau tso cai hauv cov cheeb tsam nroog uas nyob hauv Zeeg Sij Hawm II.
21. Cov Lus Qhia. Nce raws li kev tso cai los ntawm Tus Thawj Hauv Tswj Kav Xeev, OHA (los sis lwm lub chaw ua hauj lwm, thaum raug txib hais los ntawm Tus Thawj Hauv Tswj Kav Xeev) yuav tsim cov lus qhia txog zeeg sij hawm rov qab qhib. Cov lus qhia ntawd yuav tag mus thiab raug hloov kho dua tshiab rau qee cov hauv paus cai; raws li muaj rau hauv Zeeg Sij Hawm I, Zeeg Sij Hawm II, los sis Zeeg Sij Hawm III; thiab muab lwm cov lus qhia tshwj xeeb ntxiv rau sawv daws thiab feem ua lag luam. Tej zaum txoj kev taw qhia ntawd yuav raug hloov kho rau ib ncuaj sij hawm zuj zus. Cov lus qhia no yuav muab tshaj tawm rau ntawm lub ve xaib nram qab no <https://govstatus.egov.com/OR-OHA-COVID-19>.
22. Kev Hloov Pauv Tom Qab Ntawd. Nws yog kuv txoj kev cia siab hais tias lub xeeb thiab lub teb chaws yuav tsis tuaj yeem hloov los ntawm Zeeg Sij Hawm II mus rau Zeeg Sij Hawm III tshwj tsis yog thiab kom txog rau thaum muaj kev kho mob los sis tshuaj tiv thaiv zoo los sis muaj kev hloov tshuaj, los sis lwm yam kev hloov pauv loj ntawm kev hem thawj los ntawm kev mob kis nthuav dav, raws li tau txiav txim los ntawm ntawm Tus Thawj Hauv Tswj Kav Xeev. Txawm li cas los xij, kuv npaj siab yuav txuas ntxiv saib xyuas kev nce qib hauv Zeeg Sij

Hawm II, thiab kom soj ntsuam ib ntus seb puas yuav kho tau ntxiv rau Zeeg Sij Hawm II cov kev taw qhia thiab cov lus qhia.

23. Kis Uas Yuav Rov Qab Siv Cov Cai Txwv Dua. Kev rov qab qhib Oregon uas yuav muaj kev pheej hmoo rau Tus Kab Mob Khaus Viv-19 (COVID-19) tshwm sim dua tej zaum yuav tsum tau muaj kev txwv ntxiv, txawm tias yuav yog tom qab lub xeev twb tshaj tawm los sis cov neeg nyob hauv nroog twb tshaj tawm hloov pauv mus rau Zeeg Sij Hawm I los sis Zeeg Sij Hawm II lawm los xij. Nce raws li kev tso cai los ntawm Tus Thawj Hauv Tswj Kav Xeev, OHA yuav hais txog yam teeb meem tshwm sim tshwj xeeb uas yuav tsum tau rov qab muaj kev txwv ntxiv. Cov teeb meem no muaj xws li nram qab no:

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV KAUM XYA**

- a. Tsis tuaj yeem ua kom tau raws li cov cai kev soj qab xyuas tus neeg tau nyob ze nrog tus neeg raug tus kab mob;
- b. Muaj pov thawj pom tias muaj neeg raug Tus Kab Mob Khaus Viv-19 (COVID-19) ntau ntxiv; los sis
- c. Muaj pov thawj pom tias muaj neeg muaj mob hnyav los ntawm Tus Kab Mob Khaus Viv-19 (COVID-19) ntau ntxiv.

Yog ib ntawm cov teeb meem no tshwm sim, OHA yuav npaj lub rooj sib tham kiag tam sim nrog cov kws saib xyuas kev noj qab haus huv hauv lub zos txhawm rau sib tham txog kev tshuaj ntsuam xyuas ntxiv. OHA yuav muab lus taw qhia rau Tus Thawj Hauv Tswj Kav Xeev, uas yog tus muaj cai txiav txim siab seb yuav ua li cas thiab muaj cai nqis tes ua tau thaum lub sij hawm twg los tau.

24. Kev Hloov Kho Tshiab mus rau Zeeg Sij Hawm I los sis Zeeg Sij Hawm II. Yog raug txib hais kom ua raws li los ntawm Tus Thawj Hauv Tswj Kav Xeev cov lus txib, OHA los sis lwm cov chaw ua hauj lwm yuav tau hloov kho cov hauv paus cai raws li nyob hauv koog lus 11 txog 23 ntawm Tsab Ntawv Txib (Xaj) Ntawm Feem Tswj Xyuas Txoj Cai no raws li qhov tsim nyog, thiab saib raws li kev tso cai los ntawm Tus Thawj Hauv Tswj Kav Xeev. Txhua cov ntaub ntawv hloov kho dua tshiab thiab lwm cov lus qhia yuav muaj nyob rau ntawm <https://govstatus.egov.com/OR-OHA-COVID->

Cov Cai Thuaj Pais

25. Kev Siv Tau Raws Li Txoj Cai. Tsab Ntawv Txib (Xaj) Ntawm Feem Tswj Xyuas Txoj Cai no raug tsim raws qhov muaj cai ntawm Tus Tswv Xeev los ntawm txoj cai ORS 401.165 mus txog 401.236. Yuav ua raws li txoj cai ORS 401.192(1), yuav tsum yuam siv cov ntaub ntawv hais tseg rau hauv Tsab Ntawv Txib (Xaj) Ntawm Feem Tswj Xyuas Txoj Cai no thiab siv tau rau txoj cai, thiab cov cai tam sim no, cov cai qub, cov cai kav thiab cov ntawv txib uas yog cov siv tsis tau rau yam ua tsis raws li cov lus qhia saib xyuas xwm txheej kub ntxhov ceev los ntawm Tus Tswv Xeev.
26. Kev Yuam Siv Txoj Cai. Cov ntawv txib hais nyob rau hauv Tsab Ntawv Txib (Xaj) Ntawm Feem Tswj Xyuas Txoj Cai no thiab txhua cov lus qhia

raug tsim los ntawm OHA los sis lwm cov chaw ua hauj lwm ntaw lub xeev txhawm rau nqis tes siv Tsab Ntawv Txib (Xaj) Ntawm Feem Tswj Xyuas Txoj Cai no kom thoob plaws rau hauv lub xeev, tshwj tsis yog raug hais ua mus lwm yam. Tsab Ntawv Txib (Xaj) Ntawm Feem Tswj Xyuas Txoj Cai no thiab txhua cov lus qhia raug tsim los ntawm OHA txhawm rau nqis tes ua raws li Tsab Ntawv Txib (Xaj) Ntawm Feem Tswj Xyuas Txoj Cai no yog cov cai lij choj ntsig txog kev noj qab haus huv ntawm pej xeev sawv daws raws li sau tseg rau hauv txoj cai ORS 431A.005, thiab yuav raug yuam siv raws li raug tso cai rau hauv txoj cai ORS 431A.010. Ntxiv rau ntawm txoj cai nplua lub txim raws li cov cai lij choj, yog tshawb nrhiav pom tias ib tug tus neeg, khw lag luam, los sis ib lub chaw twg tau ua txhaum Tsab Ntawv Txib (Xaj) Ntawm Feem Tswj Xyuas Txoj Cai no los sis ua txhuam ib ntawm cov lus qhia raug tsim los ntawm OHA los sis lwm cov lus qhia ntawm cov chaw ua hauj lwm hauv lub xeev rau Tsab Ntawv Txib (Xaj) Ntawm Feem Tswj Xyuas Txoj Cai no yog yuav tsum nplua lub txim raws li txoj cai ORS 401.990.

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-27
NPLOOJ NTAUV KAUM YIM**

27. Ntsig txog txoj cai. Yog ib tshooj ntawv, ib tshooj ntawv ncau, ib koog lus, ib koog lus ncau, ib kab lus, ib nqe cai, ib lub tshiab lus, los sis ib lo lus ntawm Tsab Ntawv Txib (Xaj) Ntawm Feem Tswj Xyuas Txoj Cai sau tsis raug, tshooj ntawv no yuav tsis cuam tshuam rau feem seem ntawm Tsab Ntawv Txib hais no.
28. Kev Txiaiv Txim Siab; Tsis Muaj Cai Nqis Tes Ua. Txhua yam kev txiaiv txim siab los ntawm Tus Thawj Hauv Tswj Kav Xeev rau Tsab Ntawv Txib (Xaj) Ntawm Feem Tswj Xyuas Txoj Cai yog nce raws li kev txiaiv txim siab ntawm nws ib leeg xwb. Tsab Ntawv Txib (Xaj) Ntawm Feem Tswj Xyuas Txoj Cai no tsis yog raug tsim, thiab tsis raug tsim los txhawm rau kom ib tug neeg twg muaj cai, muaj cai tshwj xeeb, los sis tau txais txiaj ntsig, txawm tias yuav ntsig txog lub ntsiab lus los sis txheej txheem nqis tes ua, kev yuam siv raws txoj cai lij choj los sis kev tawm tsam ncaj ncees rau Lub Xeev Oregon, nws cov chaw ua hauj lwm, cov tuam tsev hauj lwm, los sis ib tug neeg lis hauj lwm, cov neeg ua hauj lwm, los sis cov neeg ua hauj lwm tam.
29. Hnub Siv Tau. Cov cai siv ntawm Tsab Ntawv Txib (Xaj) Ntawm Feem Tswj Xyuas Txoj Cai no siv tau kiag tam sim, tshwj tsis yog hais ua mus lwm yam, thiab tseem siv kom txog rau thaum Tus Thawj Hauv Tswj Kav Xeev hais kom tso tseg.

Sau tiav nyob rau ntawm Salem, Oregon, hnub no yog hnub tim 5 Lub Rau Hlis Ntuj, 2020.

Kate Brown
TUS THAWJ HAUV TSWJ KAV XEEV

TUS UA POV THAWJ NROG KOS NPE:

Bev Clarno
KWS TUAUV NTAUB NTAUV NTAUV
LUB XEEV

